

POLELO MOHLAKANELWA YA BOPHATLALATŠI BJA DITABA: LEFAPHA LA BOLAODI BJA DINYAKIŠIŠO KGAHLANONG LE BOSENYI (IDAC) LE DITIRELO TŠA MOTŠHELO TŠA AFRIKA BORWA (SARS)

01 Okotobore 2024

MOTŠWELETŠI WA THELEBIŠENE LE MOLATOFATŠWA KA YENA BA TŠWELELA KGOROTSHEKO MABAPI LE BOMENETŠA BJA MOTŠHELO

Motšweletši wa go tsebega kudu wa thelebišene ebile e le rakgwebo, Dumakude Mayivuke Ndlovu gammogo le balatofatšwa ka yena ba ba bedi, Rodney Mutsharini, setsebi sa motšhelo sa go ngwadišwa yo a thušitšego Ndlovu ka Motšhelo wa Letseno la Mong Maxwell Mloyi, yo a sa ngwadišwago bjale ka molefela motšhelo eupša a thušitšego Ndlovu ka Motšhelo wa Letseno la Khamphani (CIT), o tšweletše pele ga Kgorotsheko ya Bosenyi bja Kgwebo yeo e Kgethegilego ya Palm Ridge ka ditatofatšo tše 18 tša bomenetša bja motšhelo bja mabapi le Motšhelo wa mong Ndlovu le Motšhelo wa Letseno la Khamphani la boleng bja tekanyetšo ya R26 million.

Boraro bo ile bja tshwarwa ka la 30 Setemere 2024 gomme bo latofaditšwe semmušo bakeng sa ditatofatšo tša bosenyi. Mutsharini le Mloyi ba dirile ponagalo e kopana ka letšatši la go tshwarwa gomme molato wa bona o fetišeditšwe lehono, la 01 Okotobore 2024 bakeng sa kgopelo ya semmušo ye beile. Ka se sebaka, Ndlovu o tšweletše la mathomo ka kgorotsheko lehono gape o dirile kgopelo ya beile ya semmušo. Kgorotsheko e file Ndlovu beile ya R100 000 mola Mutsharini le Mloyi ba filwe beilwe ya R50 000 yo mongwe le yo mongwe. Molato o fetišeditšwe go la 11 Nofemere 2024 go dira dinyakišišo tša go iša pele. Kgorotsheko e laleditše Mloyi le Mutsharini neela ditokumente tša bona tša boeti, go bega seteišeneng sa kgauswi le bona Mošupologo o mongwe le o mongwe gomme ge eba ba nyaka go etela ka ntle ya mellwane ya naga ba swanete go dira kgopelo le kgorotsheko. Mola, Ndlovu a laleditšwe go bega go lephodisa ka seteišeneng sa maphodisa sa Sandton Mošupologo o mongwe le o mongwe goba Laboraro le lengwe le le lengwe, go tsebiša klelereke ya kgorotsheko ya KwaZulu-Natal ka ga go fetošwa ga aterese gomme o swanetše go romela kgopelo go kgorotsheko ge eba o nyaka to etela ka ntle ga mellwane ya Afrika Borwa.

Go tshware ga bona le go tšwelela kgorotsheko go dirilwe ke maatlafatšo a tirišanommogo magareng ga Ditirelo tša Motšhelo tša Afrika Borwa (SARS) le Lefapha la Bolaodi bja Dinyakišišo Kgahlanong le Bosenyi (IDAC) ya NPA, yeo e utullotšego ditatofatšo tša thulano magareng ga boraro ka go se šome botse merero ya motšhelo wa mong ya Ndlovu le ya khamphani ya gagwe.

Morago ga go thwalwa ga Presidente Cyril Ramaphosa bjale ka Presidente ya Repabliki, o tlhomile Khomišeneya Dinyakišišo ya Taolo ya Motšhelo le Pušo ka SARS gape morago gafao a thwala Judge Robert Nugent bjale ka Khomišenare. Ka la 25 Mei 2018, Judge Nugent o file dikeletšo tša dinyakišišo gore di dirwe mabapi le ditatofatšo tša kgononelo ya bomenetša, bosenyi, le ditshepetšo tše di sego molaong tša khwetšo ya theko ka tšhupetšo ya go tshela Molao wa Taolo ya Ditšhelete tša Setšhaba ka SARS. Morago ga mo, IDAC e dumeletše dinyakišišo tša go fana ka dikotraka ke SARS, le Khomišinare wa SARS e be e tsebišitšwe ka ga dinyakišišo tše ka tebelelo ya tirišano ya tumelano le kabelano ya tshedimošo.

Dinyakišišo tša tirišanommogo magareng ga ditheo tše pedi e utullotše gore khamphani yeo e tšeere karolo ya dinyakišišo, Bain and Company, e be filwe kontraka ke SARS go fana ka ditirelo. Khamphani ye e file kontraka ya gona go Ambrobite (Pty) Ltd, yeo gabjale e tsebagalago bjale ka Kanoboya Consulting (Pty) Ltd, yeo mong wa yona e lego Ndlovu, go dira ditirelo tša leano le tša taolo ya protšeke magareng ga sebaka sa Nofemere 2013 go ya ga go Setemere 2016. Le ge go le bjale se ga se se sepetšwe gabotse ke Ndlovu le setsebi sa gagwe sa motšhelo, Maxwell Mloyi, ge a romela dipušetšo tša motšhelo go SARS. Mloyi

gammogo le Ndlovu o laodišitše go SARS gore khamphani e be e sa šome gape ga se e gwebe ka mengwaga ya motšhelo wa 2013 go fihla ka 2017, fao se se dirilego tahlegelo ya ditšhelete go SARS.

Mabapi le motšhelo wa gagwe wa letseno, go utullotšwe gore yena gammogo le Rodney Mutsharini ga se ba sepetša merero ya gagwe ya pušetšo ya motšhelo wa letseno la mong ya sebaka sa 2016 go ya go 2019.

Go feta fao, ba rometše pušetšo ya gagwe ya motšhelo wa letseno ya ngwaga wa 2020 le 2022, eupša ba hlokomologile thomelo ya pušetšo ya ngwaga wa 2021, yeo e bakilego tahlegelo ya tšhelete go SARS. Palomoka ya tahlegelo ya tšhelete go SARS ka lebaka la ditatofatšo tša bosenyi bjo e lekanyeditšwe go palo ya go batamela R26 million.

IDAC le SARS di tšwelapele go šoma mmogo. Tšhomišano mmogo e bjalo e kgontšha ba Tiišetšo ya Molao go šomana le merero ka phethagalo.

Dinyakišišo:

Henry Mamothame

IDAC – Spokesperson

082 317 5731

Le

Siphithi Sibeko

SARS - Spokesperson

072 381 5139